

**VI. ANUNCIOS****A) ADMINISTRACIÓN AUTONÓMICA****CONSELLERÍA DO MEDIO RURAL**

*ANUNCIO do 14 de xullo de 2026, do Xurado Provincial de Clasificación Montes Veciñais en Man Común de Ourense, polo que se publica a resolución relativa á revisión de esbozo do monte veciñal en man común Pico de San Bernabé, no concello de Viana do Bolo.*

Examinada a solicitude de revisión de esbozo formulada polos representantes do MVMC Pico de San Bernabé, pertencente á CMVMC de Covelo, no concello de Viana do Bolo, resultan os seguintes

Feitos:

Primeiro. O 27.11.2025, a CMVMC de Covelo presentou unha solicitude (Rexel núm. 2025/3292956) de revisión de esbozo do MVMC Pico de San Bernabé, no concello de Viana do Bolo.

Coa solicitude achegaron a seguinte documentación:

- Certificación do Acordo da Asemblea Xeral do 2.8.2025.
- Memoria e planos.
- Arquivos xeográficos en formato vectorial.

Segundo. O Servizo de Montes do Departamento Territorial de Ourense emitiu un informe favorable o día 17 de decembro de 2025 en relación coa citada solicitude. A revisión de esbozo solicitada comprende as partes lindeiras con particulares.

A superficie do MVMC Pico de San Bernabé, unha vez modificado o esbozo, sería de 28,58 ha fronte ás 31 ha do acordo de clasificación, o que supón unha redución do 8,8 %.

Tendo en conta o anterior, emítese informe favorable sobre a revisión do esbozo solicitada.

CVE-DOG: omczlty9-ot06-gbz0-uay2-rahrfcygvho3



**Consideración legal e técnica:**

Única. A Lei 7/2012, do 28 de xuño, de montes de Galicia, na súa disposición transitoria décimo terceira, establece o procedemento de revisión de esbozos de montes veciñais en man común.

De acordo con ela, os esbozos de montes veciñais integrados nun expediente que, pola súa antigüidade, non reúnan as características de fiabilidade e precisión que exixen as novas técnicas topográficas poderán ser obxecto de revisión axustándoos e completándoos con aqueles datos e documentos que se consideren necesarios, en particular os requiridos para a súa inmatriculación no Rexistro da Propiedade.

De acordo cos feitos e fundamentos de dereito expostos, e tendo en conta o informe favorable do Servizo de Montes do día 17 de decembro de 2025, o Xurado Provincial de Clasificación de Montes Veciñais en Man Común acordou por unanimidade o día 22 de xuño de 2026:

Aprobar a proposta de revisión de esbozo do MVMC Pico de San Bernabé, pertencente á CMVMC de Covelo, no concello de Viana do Bolo.

Contra esta resolución, que pon fin á vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso-administrativo perante o Xulgado do Contencioso-Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da citada Lei 13/1989, nos artigos 123 e 124 da Lei 39/2015, do 1 de outubro, do procedemento administrativo común das administracións públicas, e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa.

Ourense, 14 de xullo de 2026

José Antonio Armada Pérez  
Presidente do Xurado Provincial de Clasificación  
de Montes Veciñais en Man Común de Ourense







ANEXO

